

湯海若問棘郵草

湯海若問棘郵草

臨川湯顯祖義仍父著

山陰徐渭文長父批釋

張汝霖肅之父校

詩

寄司明府

并序

會一奏記不沾。迺咳明月白露。私心爲勞。度見淵容。時月可千圓矣。江南卑濕。三十已衰。五十之年。僕過其半。豪華此時多。竟事者如

明公之妙雅。蚤通雲陛柄。玉衡平太階。知不  
難企僕。今退不能守。雌遊牝。絕愛恭。以完性。  
進不及雄飛。壯決極酒內。以酬情。空爲陳人  
而已。羝羊觸藩。鄙人之謂附懷。二十八韻。

杜軫爲郎去。王喬此焉過。鶉光初破彩。珠曲始澄波。  
化術何須譜。光儀式可歌。調如吹玉琮。斷必準金科。  
種樹開繁蔭。治稂就美禾。篇章時淡溢。亭館亦逶迤。  
詎信爲幘少。寧勞試錦多。周顒雄百里。潘岳在三河。  
去後彌增想。難留詎敢拖。揆余遭草澤。托分霽松羅。

拭霧窺文理，披星出太阿。遺顏空奏記，福履自鳴珂。  
壯去驚懷古，年來事養痾。方圓情易折，金水性難和。  
舉國嫌穿井，浮生異琢蠶。居空惟抱影，作賦苦揚蛾。  
笑似驚蝴蝶，嗔如疥駱駝。曹王非軼駕，唐宋欲陞羅。  
久謝霏霏語，長爲瓌瓌訶。微言真不數，俗化久成訛。  
絕筆愁夫子，持籌借孟軻。塵顏高可揖，利眼翳誰磨。  
水舍通魚鳥，山田占蟹螺。孝廉空勃率，庭樹且阿那。  
馭虬悲隨葉，靈龜喜接荷。小山吾分矣，大塊等如何。  
白雪惟三楚，清風憶五紘。何時將玉楮，對日緬瓊柯。

七發語

寄奉舉主張公

參政

河南

并序

僕嘗讀天台賦令人五蓋蕭颯至讀汝南先賢傳又未嘗不願一遊之弔汝穎之士也聞明公並遊其處生乃倦遊無聊翫銀筒玉蘊之事以自暢自息附懷一首

伊余自初春懷情在雲閣寧知千尺樛樹此織條葛藻鏡絕輝澄雲途驟披豁道業旣長養玄風自廻幹小有漸因緣大塊徒鞦韆得一滿流珠究萬皆毫末神仙玉唾孟素女金條脫遊方聖亦迷樓真衆凌奪

夫君美懷玉弟子仍被褐知常安不起有憶情難剖  
千里夢縹緲十載音遠闊昔作軫隨絃今茲箭離筈  
秋實良可收春華尚云掇明白迺入素浮游豈生活  
天台發靈秘汝頰窺前達閱世了冥筌何由慰饑渴

寄宣城梅禹金

并序

禹金秋月齊明春雲等潤全工賦筆善發談  
端恨不並翅雲清同標日竈辨析天口滲馥  
人肝憶往風期飄成雨散不肖慳緣利眼畏  
走塵顏橘性難移蓬心易斷懷人牽率悵遲

遐音

琴影也

吟君白嶽詩，坐我青州榻。宴舞遞紛妍，倡歌遶叢雜。  
曲閣俯連墉，懸簷寫飛塔。雲戶靄青衿，烟霄醉紅靨。  
誰言星壤殊，第見風期合。去夏緬成陳，茲春又徂臘。  
意態頗蟬連，年華大踏駁。春穀自縈秀，敬亭空合杳。  
舊令苦難期，新林詎堪踏。擬得四愁詩，含情遲君答。

寄林南陵

三謝

黃河潤九里，餘聲亦滂泮。明月耀專城，輝光照行邁。  
躍馬過藍山，披雲向君拜。達人自踈豁，適願豈辭避。

飲食既華錯，亭廬並清灑。道帙豈長擯，玄言每相解。  
人占射的春，化挹陵陽派。蠶女被桑柔，龍鱗集川滄。  
樂土未能詳，屠門且應快。別子新林橋，送我天門界。  
玄黎未經啓，徑尺誰無怪。遊人自鞅掌，坐者悲塵隘。  
醞醕動相扇，趣舍方來柴。未問扶桑枝，空差漢畦械。  
嫋嫋金風過，靄靄霜晨屆。露狄嘯山椒，雲鴻響江介。  
伊人不可遇，交終義爲戒。看君肉食姿，安知藜與薤。

送帥機

掌故淹材晚，仙郎得錦旋。童牙標日月，雅志在山川。



羽毳三千輩，頭顱四十年。盈門趨墨客，閱世問華顛。  
射之儀  
 動有悠哉典，深知靜者便。汾陽四子聖，晉代五君賢。  
 似識關門氣，來吟秋水篇。全牛都委刃，後馬不辭鞭。  
 伏膺伸公理，昏朝廷叔堅。誰知交讓木，去作分流泉。  
 駢首江湖直，馬蹄霜雪穿。情乖海鹽誚，才並洛中傳。  
 借問金門客，何時竟草玄。

送江別駕公之任雲南，公性樸清，取家底錢作  
 廨，甚占奇勝，落成而去。

世味貪泉水，清風奇樹林。官官能不染，處處有人吟。

采色易爲目素綠難此心烏聊出東箭虎竹佐南金  
大直常如屈少文原不深重來新館別廼得故人尋  
破俸資玄覽開懷慰陸沉雲霞披忽敞阡陌俯皆臨  
黛柏亭山嶺形荷落水潯鴈連光祿寒風斷女郎砧  
望遠心徒碎離情涕不禁他人余偃蹇此酒直須斟  
自愛王侯種無言末路侵

與陳汝英送帥郎中夜飲宿正覺院

兼葭久已霜茂綠成素瑟人生各有適白日飛靈駟  
星郎旣靡盬軒車豈遑逸語默趣非殊泥塵道非一

安知偃蹇性，苦爲法度嫉。陳氏富貂璫，吾兄自奇質。  
不畏談天辯，故是凌雲筆。向暝息歸軒，開燈坐玄室。  
龍胎苦難授，馬鳴又何必。由來休上人，頗爲皇甫謐。  
煩心尚有蓬，素性何殊橘。旣謝樊中鶴，肯遵縫際虱。  
北斗不成量，瓠瓜故無匹。芳蘭對君酌，烟蘿契應密。  
乍覺濠魚得，俱忘塞馬失。何日濟蒼生，相期采風實。

聞張舉主來南操江憶九江時

憶昔豫章門，陽林啓丹旭。磨鏡忽生光，照我顏如玉。  
拭袖整雲翹，清商送繁綠。雖非絕世音，苦逢知者欲。

纏綿會非倘，迥邈歡寧足。結愛又生離，坐見思來束。  
蛾眉不敢揚，翠色憂爲辱。空背企良訊，連廊度幽躡。  
淒風櫟樹響，朱光棄人酷。向夕掩雲屏，相思淚如燭。

寄南京陳侍御東莞二首

赤靈耀松子，金鸞翔女牀。君子懿文德，揚采其何傷。  
常恐浮雲蔽，羅薄生秋霜。窈窕泛清瑟，威蕤援紫芳。  
感君零露美，有道庶皆昌。惟言堅銑質，調正玉繩光。

二 無一字不妙

東莞

熒熒南海珍，英英柏臺俊。執法旣星聯，惠文亦霜震。

姓

自姓

神理備高奇，鑿局明冲澹。方希玄豹冥，寧徠鐵驄駿。  
在昨既聞董，方茲逾慕蘭。搃已乏周才，在物恒愆吝。  
衆生良匪難，烈士故有殉。安知采色淪，但覺青陽迅。  
屠龍我亦迂，彈雀君宜慎。杳爾結筠心，終知契蘭訊。  
寄南京都察阮君并憶陳侍御 無一字不妙

平生喜標遇，風懷慕淹雅。天符自有真，外骨居然假。  
緬想神州趣，孤騫順流下。操情常獨詣，微言動高寡。

南京

異于衆人

諸生儼太學，弟子栖蘭若。竹露冷披滴，松風細陶瀉。  
會景多怡衍，吟成或抄寫。遂有撫情人，來作知音者。

陳侍御

相招回白眼，再顧連驄馬。造語輒譁綿，談空道清澆。  
我搖鶯羽扇，君送龍文鮫。木葉下清秋，芙蓉改朱夏。  
歸來仲長園，蕭條董生社。遨遊白水南，崕峴青雲野。  
長訊勉爲酬，芳襟可重把。

寄南白菴和甫

禪蟲畏白日，群龍叫孤星。飛潛各有適，化感自相熒。  
與子缺和樂，鹿鳴欣昔聽。丁生繁行列，吾子滯高冥。  
快彼滄溟運，傷茲雲雀翎。金壇子孤往，林閣余晝扃。  
吉雲爲我服，甜雪以爲醅。幼耄委時運，光陰流戶庭。

入世金丹  
陸  
某方騎以

達日者

謂空西子

母所服飾

達巷彼何人，為師幼弱齡。誰言務光子，龐眉相武丁。

人途非建德，純白寡胥庭。聃生一吐舌，墨子未葳形。

母絕

送新建丁右武理閣中

此名

是六朝而無六朝之卷  
自出新奇多異少同

伊昔豫章行，蕙陽映丹鬢。傾風寡殊請，接俗多蒙晒。

初歷世緣艱，輒悼微生窘。同病必同呻，相憐自相引。

飛花比人命，片片隨風墮。迢遞轉裊帷，獨樹吹何緊。

頤策委文君，良裂愁心腎。夫子佩懸黎，被褐終難泯。

感是拔弱

功其寬

謂是玉山人，去作金科尹。戒察俯游儵，應節驚鳩隼。

頤策委文

君

良裂愁心

腎

夫子佩懸

黎

被褐終難

泯

謂是玉山人

全西齋集  
白駒馬  
下卷懷耶

吳有八種  
之委

玄象已難拘，黔眸詎堪準。方譏蔡女淫，終知杞人蠢。  
沉暗豈不貴，衆見非予敏。染筆送臨岐，微情鑿松菌。  
同病二句指已與丁兩人並不諧俗特自憐愛耳  
○丁此召南昌人終浙江海道

送人去吳下費橋

冰霜苦離色，山水恣奇探。此地榮千楫，他鄉富八蠶。  
遠歲妻則用相矣  
芬芳乘歲裏，羽翼到淮南。試問吳飲口，還誰好我甘。

江淹徵劉楨處選詩橋  
柚在南國因君爲羽翼

賦海寄饒海鹽

并序

知足下，渾金璞玉，外礪中潤，不並壺瓢之姿。



坐彼瓠槐之俗，徂訛鳥去，在季云然。魚小雉  
雛于茲，儻見終日鹽官之嶼，乘流海若之方。  
每念遊臨，恒悲阻遠，令弟崙才骨兼奇，故是  
高門妙種，爲弟子十餘年，食粟而已，豈非命  
乎。僕少讀玄虛賦，海有浮天沃日，崩雲屑雨  
之句，便欲凌空，獵其烟燼，尚病未能，寄懷一  
首。

昔予度青野，曾登日觀來。羲輪迸海出，赤黑相排推。  
彩旭破重溟，熒熒芝闕開。徒令殄沆漭，竟爾隔蓬萊。

前卷是夜能不用用于朝陽

願循駕海迹，自乏乘桴材。我友周伯倫，薄海試雲雷。

自此以下俱賦海。

居人既重潤，川島亦無災。水市豐奇貝，澤國驗神鯤。  
江斐妬泉織，河伯笑坳杯。迴洋傾地軸，照景落天台。  
朱烟疑灼霍，綠氣遠崔嵬。乍可縈緲組，何緣引薦罍。  
谷王乘上善，鳥客冀仙才。海月縈如鏡，屏風弱似苔。  
長牆故紆歷，乍浦足徐迴。目送檀栢北，神疑勃碣回。  
裨瀛分赤縣，清淺閱紅埃。詎惟弔鷓革，竟藉長龍胎。  
日窟吾休矣，天遊何曠哉。先將木華賦，寄取伯牙臺。

王方平但

見黃樓而  
此云紅埃  
有新奇

日妙

除夕寄姜孟頴戶部

冲率近自然

除日已無歲窮天兼有春悠悠四軫內疊疊萬塗人  
良時不蚤建憂來逼我身君今在皇路就列理宜  
遵豈學浮游者徒需京路塵

寄戶部周元孚三首

并序

周弘禴麻城人

良書未有未同之語未同者謂附緇塵之人

周弘禴

非結青雲之士亭州近汝潁又楚人善悲怨

以故激亮滢沉之歎常絕他方初見第六丈

時其文章達士省書不謂能於死生之際解

定如此夫善養氣者雖病不罷善養心者雖

良書乃謝

疏和伏曼

登亦權

故城詩中

記云良書

問是李

籍石首多

良書稱其

書翰之妙

也

能不亂用是惘然感懷

此四更作

竹華

悠悠江漢涯、恢恢南北垂、誰謂一帶水、隔契兩人期、  
相期不能違、有夢詎能知、龍角、睽、已、旦、烏、羽、欲、成、飛、  
願兔復何利、甘泉誰所晞、朝霞耀叢蒼、網緼殊可疑、  
願備五色雲、夾日向中馳、

二

二大轉包承、四序還推遜、逝者歷終星、故物俱成艮、  
故物有新喜、逝者淹長恨、長恨詎得知、徒遺生者怨、  
與子各烟塵、良書生繾綣、驚秋常苦寒、驚春豫愁困、

園梅素方謝，陌草青猶嫩。幽憂徒有懷，弱植非殊建。  
所以往時人，加餐以遙勸。

三

朝遊紅泉磴，夕宿青雲垂。四顧皆行人，悅生聊爲持。

自操持其養生之柄

天倪即

生即自

春原望有綠，霽色掩無時。雙扉古亭下，竚立廻天倪。  
流雲依積水，初鶯鳴曉枝。聲光暢流霽，巾裾開自宜。

念子雖殊壤，書馳儻見知。

如是

正月晦青雲亭晚望

林間氏揚雄之師也見  
路史七卷第十三之註

秋中去齡閏雲雷，季冬震今日青亭上。但覺青陽迅。

林間文選

蕭然之詩

林間多矣

謝註林間

通河也

蕭然見非  
子樂冠集

越香初掩掩，生波還粼粼。  
凍雀乳纔飛，新禽嚙方噴。  
藍粉競薰融，花光向韶潤。  
遊子覓春歸，佳人出林訊。  
緜景待初顏，鮮風拂玄鬢。  
川臯寄怡衍，林閭解偏吝。  
機賞澹忘懷，神鋒忌猶峻。  
今日反東菑，生涯從耜刃。

峰下示采藥客

朝登青雲峰，暮宿青雲館。  
平生識藝薄，并是浮情嬾。  
清明無著書，寒食多神散。  
但問丹鉛術，未暇金銀管。  
登臨頗盡適，交襟並儒緩。  
笑語林間寂，白雲松上滿。  
南來川氣長，北去山顏短。  
冲光豈無毓，玄微庶茲纘。

寄言采秀人未便風華斷

與龍身之并序

身之尚以搏運之姿因樸樾之地可惜屬者

官况何似前附書足下歌唱大還之事昭昧

何者懷念人生交遊能幾年逾冉冉性各貧

豪春中矣雪方殘素月又流暉把酒巡欄感

言成詠付之札者

天地有不足三千六萬軸人生日月中雙飛不停轂

霜雪苦飄歷素月浮清獨石戶窺還滴松關翠猶肅

何者之何  
帥誰何之  
何昧者不  
知大還而  
誰之何之

何人千里道，寄與千里目。四牡既久駕，項領一何縮。  
那得並游敖，無人自空谷。

寄司明府

緼緼雨雪浮，團團松柏正。結構銅陵下，紅泉遠相鏡。  
晴雲動蕭索，芳津跨游泳。壘麥雉初隱，岸柳條虛映。  
有美結春思，庶矣懷春政。爚炳向陽翹，寤緬神仙令。  
游卓斧金堤，過白洲保壘。天堂雲林，便去麻姑。

問道

春氣感人心，春心緣路吟。人聲滿城郭，天性入山林。



未問津梁了寧辭春水深透迤白日麗斑駁紫霞陰  
翠媚山雲色珠揮泉石音風松引奇嘯煙竹含幽襟  
稍消見騰鹿時時警哀禽摘芳選取徑窺密更披岑  
未取高空屺猶交盱汝溥情靈自高遠浮物任塵沉  
赤芾迺窮陟紅屏忽見臨便逢柱下語發我丘中琴  
感歎方自此坐馳安可任

占儒亭晚歸

青陽滿川臯白日開林澤石廂未窮探玉筍始留迹  
偶從盱姥游遂作麻姑客道館息雲裴開亭振金策

乍雨苔初滑，中春樹逾澤。陰溜響猶奔，陽嵐翠相迫。  
傍嶺關遙岫，乘標起空石。連隧轉風光，紛阡散雲液。  
峯界綠甌殘，漲夾丹霞夕。張中樹華稷，隴上秀苗麥。  
妙籥若無停，維塵動有役。方悲岐路千，空矜聞道百。  
寧辭變昏景，永籍棲管魄。浮煙竹底青，霽月林端白。  
荔葢未云貫，蘭茗庶堪摘。旣近淮南井，復是羅含宅。  
未獲了銀丹，且言駐金碧。

逢南都張覓玄麻姑山中，從余來華蓋，便辭去。  
遊河關。

來歸卽松子，良夜愜張君。張君起玄秘，雄雌黃白分。  
歸來馭駒郤，再拜逢青裙。玄枕昔飛去，編書徒爾云。  
公超起雲霧，道術何紛紛。鳴琴讀素書，清香間自焚。  
今君美遙胃，帝鄉乘白雲。好我龍虎山，搗來醮諸神。  
龍虎上聖窟，占者卽真人。絳幘天蓬下，步禹視玄旻。  
方標指星木，蕩跌浮雲氛。東南要麻姑，去看滄海塵。  
道逢都水使，刁露脯蒼麟。南問南岳君，迺是魏夫人。  
銀筒闕丹藻，綠蘊有書存。紅泉過靈谷，王郭兩金昆。  
更揖浮丘子，吹簫響雲門。手携山海經，疑君郭景純。

中開兩潢界，決絕從崑崙。善易苦不談，微言多義根。  
照我天門燭，送君荒外鱗。何便占風色，泠泠歸鄭園。  
或言向南岳，或言朝上元。而余方閉關，控鶴難攀援。  
因君問斗牛，幾日度河源。

虛公丹房

甜雪映虛房，風生雲石漿。盈爐燒綠桂，純作紫金霜。

周穆王時西王母獻嶽州甜雪 嶽音五 巖反出  
王于年拾遺記

寄伍貴池 并序

安穩記僕去年三月三日，齊華九華，遙冠五

老之雲、緬帶三江之水、彼時獨客、尚爾忘歸、  
茲有賢君、翻成道阻、俛仰幾何、典懷有作、

江湄上巳日、正與青陽期、軒開碧油幃、騎勒黃金羈、  
公子崇蘭轉、王孫芳草萎、游人多艷悅、客子正羈栖、  
翹探九子秀、回瞻五老迷、琉璃巖洞厯、翁金岸遠岬、  
崑崙重林細、烟霧絕道矯、虹霓神光白日杳、雲門清晝低、  
真人自冥托、半霄難可梯、心墮愁道盡、意愜委形稽、  
僧老似天監、名賢比會稽、泛羽浮桃澗、裨袂飲猿溪、  
鉢淨僧花落、經聲佛鳥啼、山茶猶可摘、智藥苦難携、

出谷已人世、浮生空在茲、去去復何道、池陽好泳思、

寄葉明府

并序

王逸少、謝康樂、俱山陰會稽之間、可人也、吏  
隱偏城、發其山水之藏、樂其仁智之見、人謂  
兩君筆札耳、讀逸少書、記康樂卒所云云、良  
深歎省、屬者、讀書靈谷山、中有懷一首、

良馬息高岡、丹經坐靈谷、悲風怒沉壑、連波吹我屋、  
巖壁競唧嘈、通川帶縈復、數處起行雲、當窻濺鳴瀑、  
白日散流霧、南榮負暄曝、仙桂覆幽情、芙蓉秀春日、

虛白警雲巖，葱青鏡閭福。絳節擁浮丘，玉袖招南岳。  
好鳥作流聽，柔荑未妨蹴。豈測會仙期，聊駐行遊足。  
誰開山水姿，永符仁智欲。及比蔭雲蘿，傾風謝明牧。

答寒平陽二首

一分  
分晷百餘里，寸陰千里長。諸侯散絃宇，扶天立正陽。

况接同華宅，形便絕多方。帶厲穿華裔，河山卷帝王。

既均鹽鐵筦，兼收壁馬良。焚舟已云避，渡峽難可防。

由來怯燕代，安云齊與梁。披圖發蹤跡，拂袖起徊徨。

幽憂不自理，逢人多激昂。願子戒愉逸，敬在有邦常。

同與寒世  
長平陽縣  
近州邑之  
名如同州  
寒世

寔義佐 高皇開國功臣山西平陽人言平陽  
形勝及可慎防之內

其二咏子房奉答淮陰篇淮陰起困餓玉案之  
飯不與竟漂母同斬鐘離將亦足以死奇哉蒯  
通嘗從安期生遊姜伯約謂我眉山有赤松子  
巴近蜀果然

龍漢張子房決絕在南陽還歸過滄海風雪正飛揚  
道遇黃衣叟精誠啓秘方鴻溝一分手角里自雲翔  
僊童教世人青裙朝木皇葱葱龍首原司徒冠劔蔽  
安知黃石枕飛去赤松傍老君來問籍玉女拜焚香



紫清聊可樂，隙駒能許長。

此首序云其二咏子房  
奉答淮陰篇必是蹇平

陽先有淮陰篇之作寄  
湯君故湯君和以答之

奉舉主劉中丞開府闕中 并序

中丞河洛士也。先皇嘗令持節是邦，琴笙  
之飲八年矣。復使闕中，而過此。諸生各治肴  
酒，僕生涯寥落，空山車騎，城寺動違本趣，仰  
念知賞，勉身迎待，清剪庭園，言懷五十韻。

德水天流漢，中高嶽降神。寧惟跨鳳客，亦有掇龍人。  
道業恢無厚，談容綽有真。雲雷出地奮，江海代天

集魚鱗出  
淨石

巡、卷、領、帝、方、夏、褰、帷、人、當、春、政、餘、搜、耿、絜、詔、下  
選、儒、紳、狐、白、非、全、披、驪、黃、要、軼、塵、風、光、散、羊、角、雲、氣  
集、魚、鱗、選、練、聲、明、特、登、崇、禮、數、均、人、疑、渤海、雋、進、比  
洛、陽、新、乍、拂、連、星、鐸、勅、聞、明、月、珍、芬、芳、起、十、步、貧、賤  
有、千、鈞、儼、景、漸、鴻、陸、揚、毅、覲、紫、宸、雲、霞、苦、充、咽、岐  
路、織、續、綸、歲、月、將、遲、莫、容、華、誰、苦、辛、信、慙、華、婉、質、遂  
闕、平、生、親、累、百、言、徒、溢、在、三、情、未、陳、舊、恩、緬、談、讌、新  
職、載、來、旬、分、野、三、川、隔、蟠、泥、一、旦、伸、藻、鳧、曾、證、璞、竹  
虎、異、垂、銀、執、法、嚴、三、象、承、流、到、八、閩、杉、關、累、重、舌、桂

海習鏤身地，遠天垂鏡人。釀土在釣諸生儲館穀，若  
子春著薪駱越來何暮。羊城路可邈，展宣從積歲。款  
聯在茲辰，若問巢居業。粗將龍性馴，綠疇時乘耒。翠  
渚或垂緝，拂溜清琴指。乘峯激脯唇，遙遙思太上。煜  
煜在人倫，鼻祖生玄鳥。耳孫終赤麟，呼嘯同不朽。卑  
薄奮無因，蠹竹間將檢。翰軒每就詢，書成一家旨。舍  
與學宮鄰，果挺迥車節。顏兼度轂仁，風雲連臭味。冰  
雪厲精神，膈膊鷄鳴晦。飄搖曷且晨，寧援小山桂。豈  
及大年椿，伐木河干曲。行園汝水濱，煙岡濃紫荔。雨

帳密頰筠，遠道忽傾蓋。高箱重良輪，秋黃蚤蘇葢。春  
醪舊醲醇，巷曲偶深轍。家貧無雜賓，松間還悅柏。果  
下得披榛，桃李何言食。荅蘭自可紉，歌謠慙淥水。拜  
舞出朱垠，黼黻周王重。丹青漢吏循，喜風驅霧瘴。膏  
雨沐雲津，去後留甘樹。官前似轉蘋，並言天步泰。未  
怯世羅屯，報政惟荅宰。遙歸仰大臣。

代馬吟爲劉石樓作

代馬吸靈泉，化作飛龍姿。蘭池照朱血，騰光何陸離。  
一受紅陽秣，牽纏苦長垂。太行相踈句，睨影高鳴悲。

熒熒星月精齒至自有時果遇秦青子拂刷竄陵池  
南澗觀稼有懷龍郡丞

姜拙

牧拙在窮僻先疇有歲年春開九扈正人籽一馬田

既分榆莢雨還媚杏花天雲生松上白烟開野氣鮮  
遲日到高樹維簪行自牽疏風出苗隴通波縈綺阡  
青稚各有遶鶯花成自然區種從所務耕獲庶無愆  
已希問賀好誰言車馬錢

與徐三秀才石梁觀水

妙

浙自北門  
正苦北門賢往起東陂田可憐舊遊客造我披雲天

雲天豁。遐敞橋門。度千舫。商女環行。緝。解兒送歌榜。  
與子。蹠飛梁。北斗正文昌。朱明蕩。川谷白水。搖穿蒼  
中流。何鬼。雀雲從麻姑。來愁魂。漲江香。送日。替波回  
蒼鬱。明霞漫。檉柳光風。亂鶴子散。淋灑鳧群。刷清瀾。  
逢山復佳。勝不覺。松雲暎。每日坐濠梁。何曾減。幽興

詠懷四首示楊吉甫

西遊

南遊

丹火也

角金也

金玉騎白鹿。司約受丹圖。南遊開玉版。西邁覩璠珠。  
天門豈不足。桂州還有區。如何四海內。不獲遊斯須。  
逝言騁高駕。皇羊天地樞。終知不可盡。聊用永昆吾。

緝彼若士言，深爲達者模。

二

鄒生愁黍谷，孔聖悲苗裔。何緣兩箭竹，解接人間世。  
精神自眇逸，虛空入微細。金石苦湛濁，雲霞靡高麗。  
就形良可班，相尊巧云隸。不見弁州烏，歌吹匪人制。  
婉彼殼音和，傷茲靈籥滯。

三

玄天曠微幕，衆氣相填充。三光靡根繫，浮泊生虛空。  
日月繞辰沒，何曾歸地中。惟有玄天水，經紀運西東。

自然猶不反刻畫幾時終入絃徒滯歎九紀自生疾  
寄語中環子玉儀終古同

四

似知者 戊戌也土也酉金也 子午數  
合三戌巳兌稱五

子午性情非戊酉陰陽仲神明故精烈象化潛推送  
朱羽未全推玄蛇竊飛弄金堤漏虫豸白日送躡躑  
連屬自有鄉胎胞苦無空翻身攬玄翠規中卷雲洞

無爲臺觀明空令人迹衆

子午水火不相合故云  
性情非酉戌相次故云

仲猶言如兄弟之伯仲然也道家以子午各秉戊  
巳之上正相合也

涼夜



陽明陰始麤，不謂玄泉滋。歸風氣無射，哀傷柔落時。  
白日去人遠，軫角四交飛。簾蟲織霜月，鷓鴣號特栖。  
青燈起瑤瑟，恒見曙星輝。

奉寄大中丞耿公附中

并序

明公苞衡翼之精，挹江漢之靈。遂永弘通，貞  
嚴懿澹，自是一規一矩，何止不笑不言。政曰  
民宗，道推師法，會一時之途觀，慰十載之沉  
吟。始辯真龍似龍，詎言晞驥卽驥。高空一別，  
曠海長離。歎肝血之誰傾，托歌言而送著。

求鳴思足足，慕類喜般般。復是人中美，何緣香未儼。  
明時朝采合，暗裏夜光還。束帛從三楚，封帟鎮八蠻。  
皇華趣下邑，瓊樹展光顏。籍甚傳姬孔，陶然似尹班。  
四科標士德，九牧照神姦。巨壑真成縱，逢門不改彎。  
文明開錦額，歌舞攝臬闕。道帙何曾擯，文書祇自環。  
竊披玄霧視，轉愛白雲閒。問字時閒榻，繙經恒閉關。  
游神天牝水，剗迹地雌山。意岸魁平易，情途局險艱。  
群龍遵水裔，獨鶴舞人寰。逸嘯風塵表，相思雲海間。  
出清蛟蜃氣，歸押鳳凰斑。上善全須挹，通人會可攀。

山來悲負屨，不到詠繡巒。

寄宣城沈君典

釋蘿踐飛閣，彈冠方是年。何言春穀裏，反服舊山川。  
敬亭天水綠，淑節照人妍。春香散花木，海色開雲煙。  
密蹀游絲胃，稀鶯囀樹圓。別有漢陰業，何所池陽田。  
懸溜遠棲釋，成林高列仙。風雲自玄感，性相終悠然。  
經會失路儉，會侶息心禪。龍化陵陽鳥，鯉控琴高絃。  
無爲作適客，蕭蕭猿鶴憐。

寄姜孟穎戶部

調琴化江縣，飛鳥下遙天。白簡邀才子，寒漿飲少年。  
參差蘭葉滿，重疊雲花鮮。一別新林浦，連洲空悵然。

送人之廣州成親

送子靈槎海瑤臺，彩日高春年。蝴蝶樹，夜月鴛鴦桃。  
少和歌堂曲，還看大食刀。他鄉奏龍笛，溪水自滔滔。

哭宛溪梅太叅

芳臯閱逾歲，青籥何飄逝。宣州見梅叟，遺榮拂光袂。  
透遲白日道，攬纈青霞世。敬亭有佳意，合杳幽人桂。  
紫閣上蒼層，阡岡緬迢遞。悅耳韻風篁，在眼紛雲荔。

體素浩無緇，翰墨時有制。要欲投余佩，澹澹長洲池。  
人生有朝暮，物故無形勢。玉屑留餘法，金書罷良諦。  
風月倍關愁，山川苦遙涕。惟愛深松美，寧知宿草翳。  
灑落喬公言，清芬阿戎肄。寶劍復何爲，玄臺已高閉。

再寄君典

落日反青岡，寒烟起桑柘。白鳥川外明，南帆捲將夜。  
問我所思人，葱芊敬亭下。壯武識龍文，隱侯居僕射。  
胡爲息陰蚤，東臯釋時稼。悠然春芳意，寧惟坐聲價。  
春穀美山泉，願言同結架。山陰一夕棹，河內千里駕。

不惜過新林，逸矣宣城謝。

寄奉學士余公

有序名有丁

明公嶺天台之神秀，把姑餘之善淵。參領三才，兼資九德。旣瓊敷以春潤，亦珠澄而秋實。遂標英藝圃，騰徽禮園。師表人倫，長養道業。而顯祖以小洙之材，受書太學。仰大明之運，射禮諸生。受顏色於青衿，發須眉於素燭。龍光一旦，張公遙望於雄雌。馬邑三年，董子不知其牝牡。自是賢關弟子，寧爲聖代關。

人春晤高奇竊自雕飾附懷數韻

此賢臨于聖代斯人之意

寧栖珠樹枝，寧食玉山薇。潛虬方與媚，雲雀未經飛。

此上皆自述

肯事州郡權，不通故人書。雪白有本性，雲清無俗娒。

此下美余而贊之

側聞大君子，承華布光輝。金姿粲芸閣，玉影生蘭扉。

茵繡雲氣簡，歲稔青史虛。何當彩墀裏，珍芬重襲余。

老將行 妙絕今古摩詰敢聖後塵耶

老將先年曾少年，自言結髮坐中權。千群騾耳桃花色，百步紅心柳葉穿。車聲隱震無雷外，殺氣烘騰出日邊。南連象郡空無障，北去龍庭掃未全。一旦羽書

木葉城在  
今遼東沈  
佞期古意  
用之而人  
示加以爲  
說多改爲  
下禁此何  
異上跡能  
佞恣改瑟  
登記北面  
廟拜片亭  
耶固可笑  
亦可恨

馳上谷連宵烽火照甘泉。甘泉天子奮神威。歎息交  
河。日夜圍。卽日前軍開鳥陣。當時老將疾雄飛。燕支  
蒲類去。還去木葉桑乾歸。未歸勝卒揮戈臨瀚海。降  
胡脫帽舞金微。一身轉逐隨刁斗。百戰曾經碎鐵衣。  
鐵衣刁斗還朝日。天子明堂策功畢。箇底麒麟意。畫  
圖官邊解鷹搖丹筆。功臣旣受明珠。誤列爵多緣。耐  
金失絲哇管語。不終朝翠珥貂金滿。誰室都將野戰。  
惜曹叅。但見朝廷詢聶壹。不信青門白首翁。猶堪赤  
地黃台吉。



同宣城沈二君典表背銜宿憶敬亭山水開  
元寺題詩君典好言邊事

銅駝杯酒舊慙懃遊子孤身同片雲戶裏敬亭猶合  
杏陵陽仙館日氤氳比丘百句終無學黃石三篇定  
有聞莫信林中都未有風心時動沈休文

戲答宣城梅禹金四絕

公子翩翩擁雋才陵陽陌上步春回竹根如意清談  
後蓮子深杯送酒來

妙絕

自是吳飲多麗情蓮花朵上見潘卿春妝夜宴憐新

舞願得爲歡送此生。稍常亦是妙句。

飛鸞相及並栖柯。公子乘春艷綺羅。記得長干大垂手。秋清木葉水微波。

紅壁春殘絳樹樓。援琴促柱倚吳謳。才情好似分流。水卻怪盧家有阿侯。此有子之妓也。

### 芳樹

誰家芳樹鬱葱龍。四照開花葉萬重。翕霍雲間標彩日。答麗天半響疎風。樛枝軟罽千尋蔓。偃蓋全陰百畝宮。朝吹暮落紅霞碎。霧展烟翻綠雨濛。可知西母

長生樹，道是龍門半死桐。半死長生君不見，春風陌  
上游人倦。但見雲樓降麗人，俄驚月道開靈媛。也隨  
芳樹起芳思，也緣芳樹流芳眄。難將芳怨度芳辰，何  
處芳人落芳宴。乍移芳趾就芳禽，卻澗芳泥惱芳燕。  
不嫌芳袖折芳蕤，還憐芳蹀縈芳扇。惟將芳訊逐芳  
年，寧知芳草遺芳鈿。芳鈿猶遺芳樹邊，芳樹秋來復  
可憐。拂鏡看花原自嫵，迴簪轉喚不勝妍。射雉中郎  
靳一笑，彫胡上客饒朱絃。朱絃巧笑落人間，芳樹芳  
心兩不閒。獨憐人去舒姑水，還如根在豫章山。何似

年來松桂客，雕雲甜雪並堪攀。

別沈君典

無句不妙無字不妙

金徒或甚  
謂金吾之  
卒也何不  
徑用金吾

用古樂府  
黃蘗作苦  
船註

去年三月敬亭山，文昌閣下脩松關。今年俊秀馳金  
轂，表背衲衲邀我宿。妙理霏霏談轉酷，金徒箭盡搗  
更促。人生會意苦難常，想象開元寺中燭。開元之燭  
向誰秉，君揚龍生姜。孟頴按席催教白紵辭，迴船鬪  
弄蒼龍影。別在長干不見君，天上悠悠多白雲。衣帶  
如江意，迴絕孤蹤颯颯吹黃蘗。取得江邊美桃葉，細  
語如笙欸如蝶。燕幽道長不可按，自有韓娥并朱胤。

遊人得意春風時。金塘水滿楊花吹。玩舞徘徊顧雙

闕。西山落日黃琉璃。落日流雲知幾處。雲花疊騎縱

玉花驄

橫去。且暮惟聞歌吹聲。春秋正合窮愁著。夫子才華

不可當。華陽東海並珪璋。輝輝素具幕中畫。慨慨初

登年少場。年少紛紜非一日。喜子今朝拚投筆。一行

白璧自傾城。再顧黃金須百鎰。吏隱郡滑非俊物。誰

能白首牽銀紱。銀紱桃花一路牽。空紗戶。殺染晴烟

春絲引。颺雲霞。鮮窻桃半落。朱櫻然。江南人歸馬。翩

翩金陵到。及鱗魚前。天地迓人自草澤。男兒有命非

重憐顧古  
人亦自有  
此

人憐歸去蓬山蓼水邊，坐進金樓翠瑛篇。丹頭吹笙  
亦可聽，白虎搖瑟誰當憐。如蘭妙客何處所，若木光  
華今日天。此也我今章甫適諸越，山川未便啼鳴鳩。都門  
買酒留君別，况是春遊寒食節。孟門太行君所知，鬼  
谷神樓非我宜。王孫碧草歸能疾，公子紅蘭佩莫遲。  
昨日辭朝心苦悲，壯年不得與明時。處處撫情待知  
已，可似南箕北斗爲。

別荊州張孝廉

去年與子別宣城，今年送我出帝京。帝邑人才

君所見金車白馬何縱橫。金水橋流如瀾滄。西山翠  
抹行人眼。當墟喚取雙蛾眉的。瞭人前傾一盞。誰道  
葉公能好龍。真龍下時驚葉公。誰道孫陽能相馬。遺  
風滅沒無知者。一時桃李艷青春。四五千中三百人。  
擲駐本自黃金賤。抵鵲誰當白璧珍。年少錦袍人看  
殺。唇舌悠悠空筆札。賤子今齡二十八。把劍似君君  
不察。君不察時可柰何。歸餐雲實蔭松蘿。濠南釣渚  
飛竿遠。江左行山着屐多。吏事有人吾潦倒。竹林著  
書亦不早。被褐原非袞冕人。飈車更向烟霞道。青野

擬寄弟書

不覺已出仕

主人歸不歸。文章氣骨可。雄飛三十餘。齡起幽滯連。  
翩不遂。知者希。平津邸第開如昨。噴激清風恣寥廓。  
人生有命如花落。不問朱衣與籬落。君當結騎指衡  
山。欲往從之。行路艱。懷沙長沙爲我弔。洞庭波時君  
已還。賤子孤生宦遊薄。習池何似江陵樂。寧知不食  
武昌魚。定須一駕黃州鶴。我今且唱越人舟。青蒲翠  
鳥鳴相求。君獨胡爲好鞍馬。草綠波光不與儔。我住  
長安非一日。黠首傾心百無一。夫子春間儻未行爲  
子問取郢中質。



鬱金謠

妙不可言此賀郎錦囊中之絕佳者

春來秋去度江關。二十四弦華月彎。燕南越北車班。  
班迎鴻送燕。今當還大角龍門天。漢間東南饒水。又  
饒山何當見我鬱金顏。鬱金顏色代中單。金管人家  
花晝殘。虬膠山子薰都檀。連廊亘瑟倚張彈。蘭未冰  
漿雕玉盤。綠鳥交通紅藥欄。青錢碧影抗飛鬟。金烟  
玉水鏡龍聲。照耀玲瓏紛可觀。穠條彰面春朝寒。爲  
看鴛鴦來水端。花明上巳柳闌干。遊春蕩子歌春鞍。  
旋舞琵琶花裏團。飛鞭踟躕杖頭看。共言四姓學長

安共言七葉珥貂冠，珊珊過雨越梅酸。熒熒旭日海榴丹，慷慨功名良可歎。長日長愁行路難。

詠馬蹄夾贈

朝使

妙甚詩絕佳但典故與現事並可疑

漢子曰河之下龍門流軼如竹箭駟馬弗能及天畔對溪

鞭程曾未到金鷄底，便臨河刷馬蹄。此日涇流榮洛渚，幾年霜雪在雲泥。桃花影亂溪中色，竹箭流懸天

中更稱卻不如半字

半嘶儻過濯龍門，上墜瑤池一一駕黃鸝。金鷄雲南山也

鮮矯呼入常高屋意

雲前馬蹄多着鐵護之名鐵草鞋以嶺路險峻破

濟之底一齊其間此

不苦也此云馬蹄夾要卽是鐵靴歟○未到金鷄

當是朝歸之使不當云倘過濯龍門也豈將歸而未發尚暫留京師者耶又涇流洛渚

金鷄城前望白水有懷

此金鷄當是湯君古鄉城之名非上篇金

鷄禹貢羽畎夏翟羽山畎羽山田之稻也

金鷄城前花未稀。白水莊前人正歸。詎道園林初服

晚。獨憐江海寸心違。妙。六朝絕唱。芳皋夏翟群衝翳。繡箔春蠶半

上機。不少當年琴釣友。去來還得藉音徽。終酬江海寸心

則初服雖晚亦未妨也但恐終違此心耳初服布衣也此時若已薦鄉書矣。頸聯二物俱自應上

聯初服晚寸心達結亦自照應

哭女元祥元英

徒言父母至恩親。歎我曾無兒女仁。隔院啼聲揮卽

爾其其  
念祖念

住連廊戲逐避還噴周星並是從人乳四歲何曾傍  
仰是男兒矣

我身不道竟成無限恨金環再覓在誰人

答客 錢卽泉也

百鑑年來資用多大行西北斷黃河何人畫閣題朱  
管用李長吉捲起黃河向身瀉之句耶宜錢也 未確

雀幾度匡山尋白鷺椅井自澆紅藥圃桃蹊分映紫  
柳風 本草之紫莖者

莖波終知萬事歡難並且進樽前長短歌

問棘堂 焦先一作焦光卽居焦山者

問棘堂前舊草筵百年生活勝焦先始始樹底青羊  
出歷歷江頭白鳥懸計牒古人隨下吏遺榮初此學

計牒

梧桐梓漆

中仙荆關獨抱歸來意，日落平林生細烟。

江郊

甲乙句是慕富貴，丙丁句因不富貴，故不能讀中秘書。

剪供抄劉向漢書亦

分甲乙等十部每部

汗卷

白槎終日俯江郊，分作漁人坐釣茅。  
甲乙帳嚴徒在想，丙丁書部不曾抄。  
玄廬動覺焦螟響，曲徑平窺乳

雀巢。正憶青門舊書屋，秋風橘柚有黃苞。

聖樟原

石磴紅泉是臨川之泉，謝靈運華子岡詩語也。時靈運為臨川守，乃其中心所

稍從西日聖樟原，漠漠生烟迷遠村。  
石磴紅泉非外對一言靈根非外景所能助也

獎玉池，清水自靈根。尊生且翳桑榆樂，取世空資桃

李言懶慢松門成獨侍，淡雲微月染黃昏。

桃李如說話是

千人種樹也何益哉有命存焉故曰空負心謝  
靈運疑王粲詩云江潭自可美客心非外獎紫之  
所言沮潭之山川雖美然一心思歸非外物若沮  
潭者所能勸而留也又江淹雜詩三十首內亦有  
得失非外獎之句此言懸壺泉  
石出自本心非外人攬極之也

### 白水

庭光欲盡山明歸古木溪頭燈火微客子行舟隨地  
妙句  
轉圍人破鏡一天飛多名楚雀暮枝急無數河魚春

楚雀即黃  
鳥名最多

水肥歸去文昌門外井紅桃香露滿人衣

破鏡說  
用古樂

府乃從前解  
者詭也自妙

### 舊宅

北斗橋闌舊井牀。清池舍後匝楓樟。嚴君別道桑麻  
長。太母惟誇橘柚芳。一社友朋隨大棧。十年抄纂自  
巾箱。飄搖獨笑長安日。寄臥靈臺真慨慷。

從太母飲伯父園

家園作酒侍尊親。盡日能閒小葛巾。阮藥也藥架雙雙行畫

鵲。荷盆一一鏡紅鱗。松楓正合陰長夏。桃李徒言嬌

上春。景底復清齋畫王母。我家原有魏夫人。其大母

南禪寺尋饒崙不見

香山香海自香楠。我友爲師弟子叅。三市管絃無凭

妓一城花草借雲嵐。空知五佳人難住。盛欲干談何處談。乞食了時來入定。悠悠俱作白纏鬚。

憐妓川阿難事

饒崙湯之弟子也。尋之不見故用此。

秣田 越鳥真前風人各從其好下文皆此意

南風越鳥自翩翩。舊日匏瓜茲又懸。世故可能棲迹久。風塵難得道心堅。爰從北海收芝課。乍向東陂芸秣田。生事偶然隨意愜。衡門朗詠得長川。

沁水洋洋要見

其田處多水

招楊生以善

第三四言鏡人才者俱如荷然不能照故且藉桂舟以逍遙而



持鏡用古樂府

寂寂楊雲罷草玄，萬言誰當一囊錢。  
荷花作鏡空持照，桂樹爲舟好迤沿。  
燕人物色到處關河成物色，拚隨魚鳥得  
留連。不妨城市多來往，並醉蓀牀枕易眠。  
到處成物色屢

屢北上而人皆認得且不見收也

正覺寺示弟儒祖

自謙

兄弟亦兼諸姪不相姪

爾兄才地本無餘，長日東臯自秉鉏。  
爲道三荆悅同處，仍從雙樹偃精廬。  
牕間白髮催愁鏡，燭底蒼頭勸讀書。  
萬卷若人難一一，三車時聽講如如。  
一結自不凡

答題句意俗思所能到耳

再別崙

我今革帶寬至脾，日食不上八合米。傍行仁義將誰

用魏氏

一解云傍行仁義通此方言

施

數子何爲孤亭睡，峴今何時饒生骨。相良

李賀

已奇，親見楊生人位卑。請生清激高聲詩，可憐金虎  
震宮墀。嚴樂文章相見遲，彼我易時安可知。

謝廷諒見慰三首各用來韻答之

謝必捷南宮矣

未必不見是迷也乃亦想德耶

自答

草澤遭廻詎不逢，美人遙憶淚沾胸。才輕賈馬堂難

言謝說已

音討

造春重求羊逕有蹤，生意數看塘上柳。繁雲高翳谷  
中松，能遊剩有東山屐。知在雲林第幾峯。

用賈誼升  
堂相如入  
室

勢絕

二

本自同時賦上林，歸來徒剩紫芳心。采芝——歸來獨處之景江城露淡兼葭茂

謂謝惜已

淺，彌戶雲屯松檜深。獨坐偶然臨素卷，相思時與惜青衿。知君更欲詢賢貴，十二雲衢冠蓋陰。

并賢與貴者而

兼詢之故往往  
在冠蓋于雲衢

三

合言試舉

卽影

不第歸

歸時景

我我雙闕屢經過，畏景迴塗蔭荔蘿。過盡花時紅落

與第二首江城一際同

少遙，臨松曉翠浮多。俱將玄白嘲楊子，獨寫丹青贊

卞和垂榻無言自羞澁，來詩牽率勉酬歌。

人不憐而  
悲感滿其  
不盡

劉石樓有寄石樓君嘗令南昌

此君標勝絕能清劉官未大十載辭家官未成復道游揚非墜

始遙將徽響答平生寧知本自憐才意不並凡人種

樹情今日林間報書往相思還作豫章行非墜始猶言非

始墜也文選陸雲爲顧聲答婦云銜恩非墜始正此意

山齋約徐三一訓不至再約之

披雲臥石偃林微遲汝山齋開夜扉不道詎道會無雙屐

響相思徒抱一琴徽芙蓉暗月初螢著松燈橫烟遠

鶴歸夜度儻嫌清露濕可能良日更披衣

寄前太守胡公 并序

善哉莊生人欲爲嬰兒吾亦與之爲嬰兒明  
公直廉謂不可於人則掛冠而去昆明池蓮  
花無恙耳不習嬰兒之道百姓憐思至今當  
時二三君子蜀劉公爲人仁鄆汪公清余公  
甚義僕時無病而受教各不瑕鄙僕後離病  
斷足府寺矣余公閒去汪公冗散劉公遂成  
故物由斯而談聚散豈不悲哉千金陂何時  
汔可書懷一首可令意事小童詠之焉

杜密事可  
男姜咬不

可所臨川  
太守何至

相迫如此  
乃察其母

耶

學橋篇章

以文選也

臨川郡賦

并表字解

香字領制

劉清川賦

將軍取對

烏羅二字

臨川太守自多賢解緩惟君不待年杜密可曾私引

託姜岐長得病遷延誰言去後陂當復正憶年時榻

每懸最是江城無大小說君名字總潸然

臨川有千金隄

隄成湯君作賦當是此詞太守陂彼復川兩黃鶴事

### 送前主簿徐君之任貴州

鸞鳳蹇連感故栖故人尊酒不曾携分寄寶篋留餘

照啓發篇章索舊題龍里地瞻蔡市北烏羅人在沅

陵西遙知宦業東陽尙名字何勞更卜鷄

貴州思南府舊

名烏羅四川重慶府有蔡江縣古名蔡市在貴州龍里之北

六月晦後池作

眼見威夷白日次第西南游。彤暑雕雲自飛燦。今日未秋殊覺秋。嫋嫋秋風來水頭。上我池邊竹裏樓。玉繩明星爛爛正。銀漢長雲蠢蠢流。良夜何綢繆。亦有金管南鄰吹。未休夜黃朔水際。晨風颯道周。豫防珠露下。何言玄鬢稠。今宵空對可憐好。後夜相思直欲愁。

七夕文昌橋上口占

共言烏鵲解填橋。解度天河織女嬌。織錦機中聞歎

橋字妙絕

木蘭詞

氣迫風清  
酒陽輝

然一字不

詩彼盲人  
世之短而  
髮也

息穿針樓上倚逍遙。張耒四時雜興新歡正上初弦月。舊路還驚截  
道颺。并語人間有情子。今宵才是可憐宵。古雅而天然又

情景  
可笑

### 閩中秋

中秋玄彩自相鮮。復是清輝不美前。靈莢是年多占。妙  
月桂攀今夕倍流天。玲瓏剩取珠胎滿。端正添看玉  
鏡懸。多少離懷起清夜。人間重墜一回圓。妙

寄前觀察許公 并序

達人以法典爲楊接。以文字爲纏索。世味狂



水傳合蘧廬絕倫好之知外陰陽之苦生則  
浮雲死則委土造物爲此拘拘衆庶方然竊  
竊可謂得人之得未免憂人之憂豈足聞於  
大方論以中環也明公本植曾史之性兼懷  
桑柳之風斷白眼於緇塵寫青春於綠酒大  
師之箴不作若士之游未閒足了一生羞其  
六闕不美目前之檢誰憐身後之名曠士彌  
懷道里云遠問蹤跡於羅先生托音徽於胡  
郡將興言灑筆付之小史

羅合宅裏問旌。陽見說披裘在牧羊。乍笑園林開白  
日。旋聞時菊委清霜。非關校尉真狂醉。自是休元有  
奏章。最好開襟濯寒水。是明蓮葉四時香。

開袷濯  
涼水用

謝眺游沈道士館詩  
諱五字皆勸用之

示弟儒祖。僥生來言汝有贈。彼衣薄爲裝綿之。  
句爾兄無任歡喜。卽取酒自賀。載詠其事。今寫  
示。可令奉祖讀之。

陶翁明德自高門。桃李蹊成在子孫。見說袷袍能感  
故。不勝懷抱與開尊。閒時每怪賢星聚。今日方占玉

謝古野安石

話  
樹繁更有寒巖苦霜雪好吹陽律散春溫

落日城南信步接雲

落日城南峯接雲浮金美氣生氤氲真花暫墜林香  
軟遠樹微蒙川氣熏性狎龍蛇俱可踐行窮鷄犬忽  
相聞童樵未用揮談扇但道東菑欲就芸

二月十九日恭聞 大昏禮成 長秋道始晉

天之下莫不欣躍舞抃歌謠

星名

紫微 宮闕正華杠 帝瑞星軒玉女窻繡鳳蚤連

香陌障紅氍初繫綠雲幢乾坤泰合青陽仲日月光

真花何如

初曆之上

六朝之間

兩聲滿初

象所代

劉宋武時  
謝混與謝

晦俱在帝

左右安儀

參爲江左

第一帝目

之曰一時

頓有兩玉

人耳狀若

明窓塵此

參同好中

語今用之

于此

調壁景雙蕭蕭佩環天上響山來風懿偃家那

于家  
那

晚霽友可俱謝孝廉來友可才氣縱橫孝廉謹

重余並喜之 二謝

頓有一時雙玉人綠袍皆稱小烏巾入門雲氣香流  
水接席風華明素塵劇坐不嫌秋夜永難留應念主  
人貧深知謝客多才性宜遠同車有善鄰

友可便欲求仙去次韵賞之

抱卷猶疑八十宗玄言相滯亦相從金風近圃千里

橘白日高齋一樹松燕領玉精隨食法龍嚼紫脫供

秋容愁君多病難搖落脾板紅泉有秘蹤

真誥云安妃有

斷粟金條脫是臂飾當是金手鐲唐德宗問宰臣云古詩輕衫觀條脫是何物宰臣未對德宗曰卽今之脫釧龍銜者刻龍于兩端也紫紫金也○南史周顒傳顒與張融相善每遇輒以玄言相滯彌日不解滯未起脫之意猶理障也脾板川靈運華于岡詩正臨川地

### 送謝廷諒往華蓋尋師

秋來旅客易山行脾板今傳寶蓋名華子岡頭起空  
翠芙蓉峯底接雲清風前笑挹浮丘袖月下偷吹子  
晉笙吐氣爲橋儻先度題書還似蜀青城

似呈也寄也

與謝獻可獻可吾師徐子拂之子之才皆也就  
讀東縣夢余有寄乃昆友可朝寶蓋去一宅清  
齋獻可忽來商揚鴻寶之事取阿難華嚴經而  
去卽事贈之嚴經以阿難送花之事揆之當是楞

謝子東方苦索居題詩寫夢到吾廬未妨醲醲清齋  
飲且摘秋黃白露蔬佛子迷花初聽法淮玉攀桂始  
成書雙珠動合消玄滯舍弟陪談遠未如

送傅吏部出守重慶吏部歸省其太夫人而去  
已有人焉蹇尚書之後達有出群之量今守河

東倚其家人有之河東者因緣問之

君今才地漢王堂不羨閒居秋興長山到白崖懸暮  
雨峽連明月遡秋光來蘇并是巴渝舞剖竹仍看吏  
部郎獨笑故人恒寂寞新詩能寄塞平陽

巴有明  
月峽

暮雨高  
唐事

高太僕每過輒值余登遊他所太僕嘗爲侍御  
頗有酒德棊品淑人之風更約之飲

道人終日掩荆關長者乘車十往還太僕本來驅駿  
骨繡衣方得解嚴顏十千美酒絲桐醉三百枯棊賓

從閒并是秋風有良月門前雙桂許人攀

東漢書  
蔡倫傳

云倫宦者數犯嚴顏嚴顏天威也此則御史之威  
嚴也○文選博奕論有三百枯棋之說

### 哭外翁吳公允頌

翁行歷久矣在可乎不可之間處玄之又玄  
之世風流鄭重良深長者之風日遂遨遊有  
若小兒之狀七十三歲行無二心六百餘烟  
談惟一口盜得之而愧送虎逢之而別跳多  
彼地之鄉評恒推上客笑此時之郡飲全要  
買鄉飲  
方兄每道賢甥成其宅相誰言大父遽作泉



人痛絕松雲歌從薤露

並道青泥旗市開誰言大隱卽仙才防身不用流黃

此句述序中虎逢之

劍愛客偏浮太白杯但有百錢隨杖去曾無一字掛

符來維桑社臘迨耆舊賓挽嘈嘈猿鶴哀

流黃劍是上元

夫人所佩采會王母於漢武宮中世

豐城徐德俊從峴臺城上山東門石梁迤逗秋  
水枉過草堂好友周子成正在爲酌人定乃去  
重來索詩卽用德俊便面韻答之

知君懷古正悠哉北斗橋南金玉臺秋水滿厓才送

如此落前  
一雅而拙不

難而難

樂西山爽氣一銜杯烟霞物色能多少月露光陰空

往來為問豐池影光劍張華何日正中台

烟霞句謂從烟

霞中物色而識拔之能幾人也如傳說之輩是地月露言近時之文也謂從月露中費却光陰而往來於進取之途自己無受用也不出月露之形故知月露是文章也

二

結句則惜徐德俊無

人知之之意也正承

第五六句

逶迤城上有高臺草舍青門淥水迴石作濠梁魚正

樂塞連光祿鴈初來何當疊躋高賢至自合聞尊選

客陪不醉會須重折簡池亭相近菊花開

與周子成夜步石梁

淮南子東  
南方波母  
之山

妙思然聞  
亦批入李  
賀

君家門德本清華，餘論時聞借齒牙。草舍臨牀分水石，芳人酌酒自雲霞。高秋暝色連波母，落日歸人似若邪。獨上河梁燈火合，雙星疑在去來槎。

答龍君揚

并序

足下遺物兼問我屬趣何似，一向無異。止有清夜秉燭而遊，白日見人欲睡，復是草菴河上家。徒四壁藥肆人間，口無二價，一動九連之井。去舍百步之園，或臨春送臘，首夏兼秋，定有懽悲。終焉翰墨釋茲，而外酒則時一中。

之由斯以談，它則誰爲好矣。有子遠年狀床，  
巧笑大母媿夫人，吹飴弄之，有童孺之色，嚴  
君用是權笑，第欲我在雲臺之上耳。足下年  
髮稍更駸駸，好茂勳聲，光我同契。白雲山川，  
遠離隔矣。耿懷一章。

河上草堂秋氣鮮。獵獵涼風吹敵烟。連雲悲鴈響吳  
天。燠鳥嗷啄，迷空田田。頭歷亂，孤蓬飛高舉。雲中何  
處。依金松黛柏團中。阪遊子歸來，桂花晚一曲。苦寒  
人在眼。題書上有加餐飯。美人贈我，都檀百博山鑪。

畔銅槃尺離婁一線氤氳碧清齋一卷牀頭易翻我  
絲履五文章登山躡雪生行光遠遊消憂何日忘會  
須躡履登君堂我緣思子沈心曲怪子年來書不屬  
東南孔雀尚飛連西北行雲空斷續別有光車搖翠  
璫太玉堂中小玉堂使氣寧知趨路傍青春搖落風  
花香美人贈我團圓扇可惜秋來君不見采色明年  
儻未渝會自因風托方便

秋憶黃州舊遊

飛鴻一聲蘆荻洲颯颯蘆花吹盡秋故人零落東南

流白水蒼梧雲色愁憶在金陵醉歌舞楊柳香風南  
陌頭畫裏春人對紅壁金燈百樹羅公侯履鳥紛紜  
拚不顧白髮成翁那能度珍珠河上美人雲燕子磯  
邊莫愁渡群豪雨散落風光畫玉搔頭滿狹邪春年  
桃李真須惜歲晏榮華空自賒但見柔條日就勁迴  
憶嬌春攬明鏡一夜相思黃鶴樓搖落緘書寄貧病

靈谷秋壘懷南都少司成周公

十年何地一揚眉猶記尊師玉珥垂掣氣流離分曉  
帳蘭光馥擘映秋墀誰知更鬱青霞氣不似長鳴白

下時致敬悠悠少春鴈單衣無緒獨愁誰

銅陵臥病懷南都江車駕應蛟

長美終軍卽棄繻故人消息滿南都爲郎是日疲司  
馬笑我當年識鳳雛宴歲自堪繁薜艾明時那得怨  
新芻相思白下春楊柳還借君邊酒數廚

聞少司成周公轉北大司成奉寄

集雅園橋自葛中明時師表屬人倫相看北上浮雲  
闕還憶南中清路塵就有鸞龍爭擲地那堪猿鶴好  
隨人高齋歲月悲遲莫又道文章可逐貧

文選吳  
質答魏

太子聰云撰詞下  
筆鸞鳳之文奮矣

寄奉吉安太守張公 有序

明公以中吳之華胄、體山海之靈樞、辱丞敝  
州、吐納風流、吏部分符、河流接濶、安成一別、  
不復仰承盼睐之飾、音徽寥寂、藏心靡諼矣、  
吉州人士、舊稱鄒魯、明公爲政、復是文翁、人  
地兩得、表尤異於朝路、首循良於史策、弟子  
藉其實口、徽哉顯祖、擁塞山中、問賀常絕、因  
相人之便、附所懷、



石陽官道遠，綉繆白竹埕。西不再遊，秀麥爾時歌宴。  
樂垂楊當日美風流，雲天寥亮終難賞。歲月聲華，  
未道自是人倫推素燭，還能剪拂定驂驪。

送陳荆門

仙令歸鳧自八閩，青旂搖動卽風塵。天高日色寒猶  
淺，川上雲花暖較新。大別人來書寄蚤，長林懼去酒  
愁春。寧堪更過荆巖問，會是先朝獻玉人。

奉寄劉中丞座主

有序

顯祖安材軟弱，如力淺短，猥以微真之單，慧

仰承矜睠之榮光，十載於茲，三年未報，同門  
之友，次入高華，並舉之人，或爲異物，曾未鉛  
刀一割，誰言弊帚千金，惜逝如流，興言欲涕。  
惟明公河洛英靈，嵩華秘育，德行斟酌萬類，  
才能轆葛三光，柱後惠文，總是嚴顏之地，堂  
下布武，誰非得意之人，儻念門生故人，尚在  
名山海上，一貴一賤，豈復論於交遊，九地九  
天，未足比其寥闊，惟善需玄福，仰益清朝，世  
路悠悠，止是春風夏雨，名途皎皎，有如秋月。

冬霜五韻聊成寸思彌積

見說軍麾偃八閩，雲除清望更何人。  
雲間玉葉才披曉，天上銅渾早變春。  
翠柏臨臺香本性，青槐夾道影年新。  
誰言隱逸都無憶，名譽時時鄭子真。

送謝大遊池陽便過金陵

九華原名九子李白改

金谿九紫不曾攀，更道金陵九子山。  
驟騎航頭歌祖德，鳳凰樓下緝龍顏。  
雲林惹恨今晨寂，秋浦蘭舟幾日還。  
便合相從泛滄海，臥遊無緒出荆關。

贊

肥賢贊

孔子曰：中道吾不得與之，必也狂狷乎？又曰：色厲內荏者，穿踰之盜，鄉原德之賊也。鄙夫不可與事君，古之狂也。肆巧言令色，所惡紫之亂朱，利口者，鄉原所惡。鄉原人之意，於文義深然，緩急常有以自解，不肯死義，無所藉。婦人孺子，觀其文常感之，狂狷自循其質，志不侵於文。仲尼裁夫斐然，萬子曰：孔子在陳，不怠其祔本故志，得數丈夫女人，皆能護仗。

名氣非素有服命文采之觀人人可振擢而能各爲出其事實之

歐陽德明贊

并傳

崇仁人名徹年少美鬚眉善慷慨靖康初應詔言五十餘事爲三巨軸郡選力士肩行會虜大入徹曰我能口代金強於百萬師請質子女於朝身使穹廬人笑其狂止之不可乃走行在所伏闕呼曰李綱所謂大臣不可罷黃潛善汪伯彥兩人不可用陛下亦宜親總

六師迎還。二帝忠爲人臣子弟之義，上怒。潛善等譖殺之。年三十三。後上悟，下詔哀悼。曰：「徹乎，忠臣也。由朕不德，使不幸不爲良臣。雖不幸，猶爲忠臣。天下後世顧獨爲朕何？此朕所以八年于茲，一食三歎，不能自禁也。命官其弟子壻，賜田十頃，卜宅兆，招魂，塋衣冠焉。徹所著飄然集若干卷。」

哀哉！德明爲善近刑，肉食端居，布衣靡寧，魂游故土，入歌百身，彼忘生父，猶褒死臣。

郭若虛、葛賡、鄧雱、傅安、羅士明、趙均保、徐宗儒、

等贊

并序

諸君、百姓耳、能衛父母之邦、第未攷其時、守者誰也。

丈夫欲壯、男兒貴奇、苦矣諸君、維繫是維、民散日久、衆正風移、人不可遠、瀕危始知。

李天勇贊

并傳

臨川人、從謝枋得學、爲人尚忠義、宋季、元將攻饒州、枋得檄兵援之、天勇集義士應援、大

戰樂湖坪兵敗與張忠孝死之

大宋忠臣江南謝君有朋自遠回戈赴援昏風普翳  
素韻彌鮮明知不友庶見中原

萬氏女贊

并序

樂安曾氏婦生三女長者尚米之人幼才笄  
耳至正壬辰之亂聞寇且逼三女登堂請於  
母曰事已至此不設負母教願自裁母笑曰  
我乃後之矣乃作酒共食交拜爲壽已則相  
爲結束並經于舍北松樹下人呼母子松歌



咏之。孔子曰：民之遠於仁也，甚於水火。水火  
吾見蹈而死者，未見蹈仁死者。萬氏女，豈不  
蹈之哉。

曾家庶美，不辰是逢。登堂告母，同清厥躬。稱觴慶許，  
拜別從容。人歌人舞，瑟瑟青松。

董官貞贊

并傳

樂安王泰昌之婦，六七歲時，其姑再醮而歸。  
官貞卽不出見，見則掩面。姑問之，答曰：安有  
婦人再共人臥，不羞死邪？姑大罵曰：婢子，汝

何知且見汝異日爲孀時也。官貞曰：我固不孀，就有之，定不效。姑爲也。後嫁太昌，太昌果死，官貞才二十二，無舅姑兄弟子女，官貞呼天大哭，欲絕，旁婦止之曰：待姑姊妹之臨，官貞曰：吾不忍見吾姑也，遂自經死，家人合葬之。孔子曰：其言之不怍，則爲之也難。官貞不怍，其言豈不難矣。

董得嘉名，名曰官貞，豈緣涓濁，故作冰清。凡今之人，盡謂老成，誰言季女，一誓無傾。

本州良吏密佑贊

并傳

廬州人宋末都統守衛也。德佑元年十一月，元兵逼撫州，制使黃萬里，給都統遠迎敵而棄城遁去。元兵夜墜，見都統兵，問曰：鬪者乎？降者乎？都統厲聲應曰：鬪者也。才合而元兵圍之數重，佑面中數矢，拔去疾戰，環視麾下才十數人耳。佑復輪雙刀出，其十數人者，南走所戰處，忽陷被執。元將軍曰：義勇人也。命佑子說降之，佑叱曰：我死汝第行乞于市云。

我密都統子也。誰不憐汝者。竟不屈死。其戰處爲進賢龍馬坪。有廟。余往來豫章。未嘗不拜祀。徘徊悼慕焉。

我生實逢外。內無戎閔。然不樂懷思。密公天舟去海。胡騎蔽江身。爲健者。有闕無降。

問棘郵草終